

1567  
21540

# Vorwarnungs

Schriſſe/ſo

## Churfürſt Augustus

zu Sachſſen/etc. als des OberSächſſiſchen Kreiſſes Verordenter Oberſter/  
zu volge der Römischen Key. May. etc.  
vnd des heiligen Reichs zu Augſpurg  
vornehrenten Acht vnd einmütiglich be-  
ſchloſſenē Execution / wider die Ech-  
tere vnd dero Receptatorn Her-  
zog Johan Friderichen von  
Sachſſen/ausgehen  
laſſen.

Anno domini

1 5 6 7.

QVI POTESTATI RESISTIT  
DEI ORDINATIONI RESISTIT.

# Von Gottes Gnaden

Wir Augustus Herzog zu Sachsen / des heiligen Römischen Reichs Erzmarschalch vnd Churfürst / Landgraff in Thüringen / Marggraff zu Meissen / vnd Burggraff zu Magdeburgk. Sühnendem Hochgebornen Fürsten Herrn Johans Friederichen Herzogen zu Sachsen etc. Auch sonstennenniglich / so dieser vnser offener Brieff vorkompt / hiermit zu wissen / das ime vnuerborgen / welcher gestalt Weiland Keyser Ferdinandus höchstlößlicher gedechtnis / den Echter / Wilhelm von Grumbach / vnd andere desselben anhengere / von wegen der Landfriedbrüchtigen plünderung der Stadt Würzburg / in die Acht erkleret / Vnd dieselbe Achteklerung auff jüngst gehaltenem Reichstage zu Augspurg / durch die ißige regierende Keyser. May. mit bewilligung Churfürsten / Fürsten vnd Stenden des heiligen Reichs / einhelliglich vernewert vnd publicirt / Auch daneben einmütiglich decernirt vnd vorabschiedet ist worden / wie es mit der Execution / wider solche Echter vnd dero Receptatorn / gehalten werden solle / Das auch die Key. May. zu folge solches gemeinen Reichs Abschieds / ihme Herzog Johans Friederichen / mit dreien oder mehr vnterschiedlichen Mandaten / bey peen der

Acht

Nicht vnd Oberacht / ernstlich geboten / die Echter  
irer Key. May. zur straffe folgen zulassen / vnd  
sich dero genzlich zu entschlahen / Welchs gleich-  
er gestalt von den Erbeynungs Vorwandten /  
Schur vnd Fürsten / auch vns / durch schickung  
vñ schrifften / zum offtern freundlich gesucht wor-  
den / Vnd dan über solches alles / gemeine Sten-  
de des Reichs / inen durch eine ansehnliche schick-  
ung freundlich erinnert / ermahnet vnd zum höch-  
sten ersucht vnd gebeten / der K. M. als seiner von  
Gott geordentē hohen Obrigkeit / vnderthenigstē  
schuldigen gehorsam zuleisten / vnd dero Paenal  
Mandaten / one fernere Rebellion zupariren / etc.

Wie er sich aber / dessen ungeachtet / nicht al-  
leine der Key. May. widersetzig gemacht / vnd inn  
seiner Rebellion vorharret / sondern auch den  
Reichs gesandten eine verechtliche vnd beschwer-  
liche Antwort (darinn der Key. May. Person/  
vnd des ganzen Reichs Reputation nicht gescho-  
net) gegeben / vnd inn Schrifften zustellen / auch  
folgents inn Druck verfertigen lassen / Das ist  
Schurfürsten / Fürsten vnd Stenden / vnd sonst  
jedermenniglich kund vnd Notorium. Sonder-  
lich aber auch ist aus derselben Antwort vnd an-  
dern seinen schrifften befindlich / wie beschwerlich  
Er vns bezichtiget / vnd on alle gegebene ursache /  
auch zuwider der geschwornen Erbeynung / an  
A ij vnsern

vnsern Fürstlichen wolhergebrachten Ehren/  
Wirden vnd Stande / vntersindlich antastet/  
Welchs wir vns zu gebürlicher zeit vñ gelegenheit  
Fürstlich zu eiffern / vnd mit grunde vnd warheit  
zu vorantworten vnd abzulehnen / vorbehalten.

Vnd ob vns wol von ihme dadurch: weil Er  
nicht alleine dem Rechten vnd allen Reichs Con-  
stitutionen / sondern auch der mit vns habenden  
Erbeynung / so Er mit einem Corporlichen Eide  
befestiget vnd zu halten geschworen / zu wider des  
heiligen Reichs Echter / auch mörder / rauber / vñ  
vnserer Feinde / so vns nach Leib vnd Leben / Lan-  
den vnd Leuthen getrachtet / gehauset vnd gehe-  
get: genugsame vnd oberflüssige vrsach gegeben  
worden / solche beschwerden vnd zugemessene  
schmach / auch in andere wege vngerochen nicht  
zulassen. So haben wir vns doch Gott dem  
Allmechtigen zu ehren / gemeinem frieden zum be-  
sten / vnd in betrachtung / das wir solcher vner-  
sindlichen auflagen halben / sonder zweiffel / bey  
allen hohen vnd niedern Standes ehrliebenden  
vnparteiischen Leuten / one das wol entschöldi-  
get sein / überwunden / vnd souielfaltige zugefügte  
beschwerden / zu nötigungen vnd schmehung /  
mit senffemütigkeit erduldet / auch dieselben Pri-  
uat beleydigungen vnd iniurien / auff vnlangst be-  
schehene freundliche beschickung der Hochgebore-  
nen

nen Fürsten / vnserer freundlichen lieben Vettern  
Ohmen / Schwegern / Brüdern vñ Beuattern /  
Pfaltzgraff Friederichen Churfürsten / Herzog  
gen Wilhelmen zu Gällich / vnd Landgraff Phi  
lippen zu Hessen / dahin gestellet / das wir Irer  
Liebden / auch anderer vnserer Herrn vnd Freun  
de / freundliche vnderhandlung ( jedoch das es  
vns an vnsern Fürstlichen Ehren vnuorlezlich)  
mit vorgehendem der Key. May. Rath / leiden  
können / vnd vns ausdrücklich erkleret / das wir  
solcher priuat sachen halben / keinen Krieg oder  
blutvorglessen / vnd vorderben vnserer beiderseits  
getrewen Landtschafft / mit ime anzufangē / Son  
dern andere gebürliche mittel zugebrauchen ge  
dechten / Es were dann das wir von ihme darzu  
genötiget / vnd also zur defension gedrungen wür  
den. Wie wir dan auch nachmals gesinnet sein /  
Auch nichts von seinen Landen vnd Leuten be  
geren / noch aus dieser Execution / einigen Nutz zu  
gewarten haben.

Nach dem vns aber die Key. May. gnedigst  
zuerkennen gegeben / das ihre May. seinen hals  
starrigen vnleidlichen trutz / hochmut / rebellion  
vñ vngehorsam / lenger nicht zusehen / noch denen  
ungestraft hingehen lassen könnten / vnd vns der  
wegen ernstlich mandiret vnd befohlen / Das wir  
in krafft des Reichs Abschieds / vñnd als veror

denker Oberster dieses OberSachssischen Kreis-  
ses/die Execution wider die Echter/vnd Znen als  
den hegern/schützern/vnd Receptatorn/mit auff-  
forderung der andern drey Kreysen / fortsetzen  
vnd vollstrecken/vnd damit lenger nicht vorzie-  
hen solten/ Vnd wir vns von wegen tragen-  
den Ampts / in vnsern Gewissen schuldig erkens-  
net/Ihrer Key. May. vnderthenigst zugehorsam-  
men.

Als haben wir solchem gemeinen  
werck der Execution/im namen des Almechtigen/  
einen anfang machen/vnd Irer Key. Mayestat  
Mandat gehorsamen vnd pariren müssen. Wie  
Er solchs aus Irer Kay. May. beschehener an-  
kündigung/selbst zuuornehmen.


Ob wir nun wol vor vns / mit solcher Exe-  
cution am liebsten verschonet sein/auch Irgerne  
gönnen möchten/das Er sich anders in die sache  
geschicket/die Key. May. vnd das Reich / zu sol-  
chem ernst nicht vorursacht/ noch die armen vn-  
wissenden vnd vnschuldigen Vnderthanen/inn  
solche not vnd beschwerung geführt hette / Oder  
aber solchs mit vnuorzüglicher lieferung der Ech-  
ter vnd irer Adhaerenten/obergebung der Bheste  
vnd Persönlicher demütiger auffönung bey der  
Key. May. noch vorkeme vnd abwendete / Dar-  
zu wir Ime dann/vngeachtet/das er solchs vmb  
Vns gar nicht vordienet / gerne alle gebürliche  
fürderunge



fürderungen thun wolten / So müssen wir doch vnserm befohlenen Ampt disfals / wie andere des heiligen Reichs Kreiss Obersten vnd Stende / gehorsamlich nachkomen / vnd es den Anstiftern dieses vnheils / gegen Gott vnd der Obrikeit zuuorantworten heimstellen.

Vnd wiewol die ausgegangene Acht / vnd jüngster des heiligen Reichs abschied / auch sonderlich der Key. May. Paenal Mandaten / die Vorwahrung disfals mit sich bringen / Vnd wir vns vber beschehene der Key. May. ankündigung vnd vnser tragend Obersten Ampt / dero billich nicht anmassen oder gebrauchen solten / Jedoch do disfals einiger Vorwahrung der Ehren / vor Vns als dieses Kreisses Obersten / oder von wegen des Reichs vnd Vns zu geordneten Kreissen auch vnser iho bey einander habenden Kriegesvolck zu Ross vnd Fues / von nöten sein solte / So wollen wir dieselben hiermit / gegen Herzog Johans Friederichen / als auffhalten / schützen / vnd Receptatorm der Echter vnd Landfriedbrechere / öffentlich / Fürstlich vnd zu aller Erbarkeit genugsam gethan haben / als ob die mit ausgedruckten Worten hierinn begriffen were / Des zu Urkunde / haben Wir hierauff unsere Churfürstlich Secret gedruckt / vnd Vns mit eigener Hand vnderzeichnet.

Faint, illegible text, likely bleed-through from the reverse side of the page.

✓  R 05 773

601 VLT 06813

